



ASOCIJACIJA ZA DEMOKRATSKE INICIJATIVE
SARAJEVO

Godišnji izvještaj za 2018. godinu

Asocijacija za demokratske inicijative Sarajevo

Tel. +387 33 262 415
Faks +387 33 262 416

Zmaja od Bosne 8
71 000 Sarajevo

www.adi.org.ba
snjezana@adi.org.ba

Sadržaj

UVOD	3
O NAMA	4
PROJEKTI	6
<i>Projekat: “Borba protiv govora mržnje i zločina iz mržnje”</i>	6
<i>Projekat: “Jačanje kapaciteta istrage i krivičnog gonjenja u zemljama Zapadnog Balkana – finansijske istrage kao sredstvo za borbu protiv organizovanog kriminala i korupcije”</i>	8
<i>Projekat: “Građanska misija obrazovanja”</i>	11
<i>Projekat: “Jačanje povjerenja javnosti u tužilački sistem u BiH kroz unaprijeđenje transparentnosti i odgovornosti”</i>	13
RAD SA PARTNERSKIM OCD I MREŽAMA	15
MEDIJI	17
PARTNERI ADI-ja (Partneri u BiH i međunarodni partneri)	18
DONATORI	20
FINANSIJSKI IZVJEŠTAJ ZA 2018. GODINU	21
Izvori finansiranja u 2018. godini	21
Bilans uspjeha za 2018. godinu	21
UPOSLENICE	23
KONTAKT PODACI	24

UVOD

Poštovani/a,

Godišnji narativni i finansijski izvještaj za 2018. godinu Asocijacije za demokratske inicijative (ADI) ima za cilj da Vas detaljno upozna sa aktivnostima i rezultatima tokom protekle godine.

Narativni dio izvještaja sadrži pregled implementiranih projekata i glavnih pojedinačnih aktivnosti, dok finansijski dio izvještaja procentualno prikazuje udio donatorskih sredstava u ukupnoj finansijskoj strukturi ADI-ja tokom 2018. godine.

U 2018. godini, Asocijacija za demokratske inicijative nastavila je svoj rad u polju zaštite i promocije ljudskih prava, borbi protiv zločina iz mržnje i govora mržnje, te stvaranju sigurnog prostora za manjinske zajednice u BiH (povratnici/ce, LGBT osobe, Romi/Romkinje), poboljšanju efikasnosti sistema pravosuđa i sprovođenja zakona u BiH i zemljama Zapadnog Balkana, izgradnji sistemskog pomirenja u BiH kroz povećanje kapaciteta, sposobnosti i vještina nastavnika/ca i studenata/ica u oblasti obrazovanja za mir. Također, u 2018. godini ADI je nastavila saradnju i rad u mrežama i koalicijama, te se aktivno uključila u izvještavanje o stanju migrantske krize u BiH. U svoje projektne aktivnosti, ADI je nastojala da uključi sve građane/ke BiH, mlade ljude, učenike/ce, studente/ice, žene, povratnike/ce, pripadnike/ce manjina u BiH, predstavnike/ce vlasti u BiH.

Izvještaj je namijenjen široj javnosti, donatorima, partnerima i članovima/cama, te sadrži detaljne opise projekata i projektnih aktivnosti koje su provedene u proteklih dvanaest mjeseci.

Nadamo se da će Vam ovaj izvještaj dati više informacija o našem radu i djelovanju na polju zaštite i promocije ljudskih prava u BiH, kao i promicanja procesa EU integracija u BiH. Kao i prethodnih godina, ADI je kroz svoje projektne aktivnosti, surađivala sa nevladinim organizacijama (domaće i međunarodne), predstavnicima/cama zakonodavne i izvršne vlast u BiH i institucijama i predstavnicima/cama poslovnog sektora u BiH.

S poštovanjem,
Asocijacija za demokratske inicijative (ADI)

O NAMA

Asocijacija za demokratske inicijative (ADI) je nevladina i nestranačka organizacija osnovana 2003. godine s ciljem da obavlja posao Sekretarijata Balkanske mreže za ljudska prava (BHRN). BHRN je regionalna mreža nevladinih organizacija koje djeluju u oblasti promocije i zaštite ljudskih prava. Iskustva i metode razvijene kroz rad BHRN-a, ADI je pretočila u konzistentnu formu prenosivog znanja kodificiranog tako da može biti korišteno u svim organizacijama i sredinama.

Već petnaest godina ADI radi na **političkom i ekonomskom razvoju, vladavini prava, promociji zaštite ljudskih prava, EU integracija u Bosni i Hercegovini kroz jačanje praksi participativne demokratije i iniciranje partnerstava između civilnog društva, državnih institucija i privatnog sektora.** Jedan od posebnih ciljeva ADI-ja je podrška organizacijama civilnog društva u izgradnji njihovih institucionalnih kapaciteta i promocije njihove uloge u društvu. To radimo kroz promociju i monitoring implementacije postojećih mehanizama zaštite ljudskih prava, jačanjem praksi participativne demokratije i iniciranjem partnerstava između civilnog društva i državnih institucija.

Najaktivniji smo u oblasti sektora pravosuđa gdje smo **inicirali uspostavu Mreže pravde**, prve sektorske mreže u Bosni i Hercegovini koja je brojala **64 organizacije**. ADI je i jedna od 5 nevladinih organizacija koja je potpisala Memorandum o uspostavljanju mehanizama za praćenje i ocjenu sprovođenja Strategije za reformu sektora pravde u Bosni i Hercegovini s **Ministarstvom pravde BiH** i do danas je izdala tri godišnja izvještaja o sprovođenju Strategije za reformu sektora pravde u BiH. ADI je također **potpisnica pisma obaveze za Forum za zajedničke politike** koje je ustanovilo Ministarstvo pravde Bosne i Hercegovine i Visokog sudskog i tužilačkog vijeća Bosne i Hercegovine 2013. godine. Od 2013. godine smo aktivno uključeni u **monitoring suđenja slučajeva zločina počinjenih iz mržnje i slučajeva diskriminacije**, a od 2018. godine smo **započeli monitoring izbjegličke i migrantske krize u BiH.**

Nevladina, nestranačka, neprofitna

organizacija
civilnog društva, od
2003. godine

štiti i promoviše

ljudska prava, radi

na prevenciji
diskriminacije, govora
mržnje i zločina iz mržnje,
poboljšanju efikasnosti
sistema pravosuđa i
sprovođenja zakona u
BiH kroz povećanje
kapaciteta, sposobnosti i
vještina

građana/ki BiH,

mladih ljudi,

učenika/ca, žena,

povratnika/ca,

priпадnika/ca

manjina u BiH,

predstavnik/ca

vlasti u BiH,

putem brojnih

projektnih aktivnosti:

monitoring,

zagovaranje,

edukacija, javne

tribine,

okrugli stolovi,

konferencije

U periodu od 2007. do danas, ADI je aktivno uključena u **zagovaranje za donošenje i primjenu legislative, kojom bi se sankcionirala diskriminacija u BiH**. Pored učešća u procesu donošenja **Zakona o zabrani diskriminacije** 2007. godine aktivno je učestvovala u davanju komentara na primjenu **Zakona** u 2010. godini. U okviru izvještavanja za **Univerzalni periodični pregled ispred Mreže pravde, ADI je dostavila Vijeću za ljudska prava dva izvještaja (2010 i 2014), koji su dali pregled preporuka za rješavanje problema diskriminacije u BiH**. U periodu 2010–2011, ADI je radila na jačanju kapaciteta radnika/ca u pet oblasti od kojih se jedna ticala diskriminacije radnika/ca u oblasti radnih prava.

Također, 2016. godine ADI je prva pripremila na B/H/S jeziku **priručnik „Situaciono testiranje diskriminacije“**¹ koji je napisan sa namjerom da aktivistima i aktivisticama pomogne da se bolje upoznaju sa situacionim testiranjem, te da bolje razumiju zašto je korisno ovladati ovom metodom, u kojim slučajevima treba primjenjivati testiranje i kako ga praktično sprovesti.

ADI ima izgrađena jaka partnerstva s velikim brojem institucija širom BiH i regiona. U realizaciji tekućih projektnih aktivnosti, ADI se oslanja na preko 300 organizacija u BiH, Ministarstva pravde na državnom i entitetskim nivoima, Ministarstvu za ljudska prava i izbjeglice BiH, općine u BiH, te Ministarstvo za civilne poslove BiH. Naši donatori su USAID, Ambasada SAD-a u BiH, Fond otvoreno društvo BiH, Europska komisija, Civil Rights Defenders, Vlada Velike Britanije, Švicarska Vlada, Švicarska ambasada u Sarajevu, Ambasada Kraljevine Holandije u Crnoj Gori, Danski centar za ljudska prava, Katalonski Ombudsman, UNDP BiH, UNDP Srbija, Britanska ambasada u BiH, Vlada Švedske, OSCE misija u Hrvatskoj i Dansko ministarstvo inostranih poslova.

Također, ADI radi na izgradnji kapaciteta organizacija civilnog društva **organizirajući treninge za organizacije civilnog društva (OCD)** s fokusom na razvoj njihovih znanja i vještina u oblasti izrade javnih politika, pisanju projektnih prijedloga, finansijskog upravljanja, strateškog planiranja, izgradnju komunikacijske strategije, organiziranje kampanja zagovaranja i javnih konsultacija. Slični treninzi organizuju se u općinama i malim firmama u cijeloj zemlji.



¹ Priručnik možete preuzeti ovdje: <http://adi.org.ba/?p=2733>

PROJEKTI

Projekat: "Borba protiv govora mržnje i zločina iz mržnje"

Trajanje projekta: 01/01/2018 – 31/12/2018

Donator projekta: Međunarodna organizacija za zaštitu ljudskih prava Civil Rights Defenders

Nositelj projekta: Asocijacija za demokratske inicijative Sarajevo

Mjesto provedbe projekta: Bosna i Hercegovina

U bosanskohercegovačkom društvu zločin iz mržnje i govor mržnje imaju veoma štetan uticaj na odnose između zajednica u društvu, a samim tim sprečavaju i proces pomirenja, te povećavaju postojeće konflikte. Također, nasljeđe rata iz devedesetih godina još uvijek doprinosi nacionalnoj i vjerskoj podijeljenosti BH društva, a kojoj u velikoj mjeri doprinosi medijska propaganda i govor mržnje na internetu, što dovodi do stalno prisutne netolerancije, diskriminacije i mržnje u BH društvu. Prvi i najbitniji korak u borbi protiv zločina iz mržnje i govora mržnje je njegovo prepoznavanje i adekvatno reagovanje kako od strane zajednice, tako i od strane pojedinaca, građana/ki, novinara/ki. Ukoliko izostane reakcija, ogromne su šanse da se govor mržnje pretvori u zločin iz mržnje ili da se za kratko vrijeme zaboravi da se ikad i desio.

Cilj ovog projekta je intenzivirati pritisak na policijske i pravosudne institucije da pravilno evidentiraju i efikasno kažnjavaju zločin iz mržnje, da se poveća zaštita žrtava i svjedoka prije i poslije sudskih postupaka, te da se poveća javno razumijevanje fenomena zločina iz mržnje.

Tokom 2018. godine u sklopu ovog projekta organizovana su:

- 2 monitoringa suđenja u Livnu i Istočnom Sarajevu;
- 3 monitoring sastanka sa građanima/kama i predstavnicima/cama policijskih stanica;
- 6 info sesija sa predstavnicima/cama lokalnih zajednica, lokalnih NVO i policijskim službenicima/cama (Goražde, Foča, Neum, Čapljina, Zvornik, Jablanica. Ukupan broj učesnika/ica 6 info sesija je 55);
- 3 treninga za žene i studente/ice prava (Vareš – Stupni Do, Zenica, Mostar. Ukupan broj učesnika/ca 3 treninga 50);

Okrugli sto *Zločin iz mržnje i govor mržnje u BiH*, održan u Sarajevu, 17.12.2018.




- 2 okrugla stola namijenjena predstavnicima/cama NVO, građanima/kama, predstavnicima/cama pravosuđa, policije, političara i vlade. (Sarajevo. Ukupan broj učesnika 60);
- 4 posjete izbjegličkim centrima/kampovima (Izbjegličko-prihvatni centar „Salakovac“ u Mostaru, đачki dom “Borići” u Bihaću, Sportsko-turističkom kompleksu Sedra u cazinskom naselju Ostrožac i šatorsko naselje Trnovi u Velikoj Kladuši);
- 6 sastanaka sa predstavnicima/cama CRD-a i Koalicije za borbu protiv govora mržnje i zločina iz mržnje
- 4 javna reagovanja upućena prema bh. zvaničnicima i medijima na nepoštivanje novinarske etike, te reagovanje upućeno na vandalske činove u Tuzli, Sarajevu i Visokom.

Info sesija *Zločin iz mržnje i govor mržnje u BiH*, održana u Jablanici, 22.05.2018.



Pored navedenih aktivnosti osoblje ADI-ja tokom 2018. godine aktivno je učestvovalo i na konferencijama, treninzima i školama koje su organizovale partnerske organizacije i članice Koalicije za borbu protiv govora mržnje i zločina iz mržnje, kao i na 7 koordinacijskih sastanaka u vezi sa monitoringom životnih uvjeta migranata i izbjeglica u BiH koje je organizovao UNHCR i IOM. Također, u svrhu promocije projekta, izrađeni su planeri za 2019. godinu i distribuirani svim članovima/cama, partnerima i prijateljima Asocijacije za demokratske inicijative.



Projekat: "Jačanje kapaciteta istrage i krivičnog gonjenja u zemljama Zapadnog Balkana – finansijske istrage kao sredstvo za borbu protiv organizovanog kriminala i korupcije"

Trajanje projekta: 15/04/2017 – 31/10/2018

Donator projekta: Ambasada kraljevine Holandije u Crnoj Gori

Nositelj projekta: Centar za monitoring i istraživanje (CeMI), Crna Gora

Partner projekta: Asocijacija za demokratske inicijative Sarajevo i Transparentnost Srbija

Mjesto provedbe projekta: Bosna i Hercegovina, Crna Gora i Srbija

Zemlje regiona suočene su sa problemom niskog nivoa iskustva i znanja praktičara – tužitelja/ica, sudija/tkinja i službenika/ca za sprovođenje zakona, da koriste mehanizme finansijskih istraga koje pružaju nacionalni krivični pravosudni sistemi. Projekat je pokrenut sa ciljem poboljšanja operativnih kapaciteta tužitelja/ica, sudija/tkinja i službenika/ca za sprovođenje zakona iz Crne Gore, Srbije i Bosne i Hercegovine i upotrebe finansijskih istraga u slučajevima korupcije i organizovanog kriminala, kao i za unaprjeđenje suradnje i koordinacije između institucija koje učestvuju u sprovođenju finansijskih istraga, agencija za sprovođenje zakona (na nacionalnom i regionalnom nivou), poreske administracije, administracije imovine, administracije pranja novca i finansiranja terorizma. Projekat se sastoji od tri dijela, od kojeg je prvi dio fokusiran na procjenu postojećeg zakonodavstva i prakse sprovođenja finansijskih istraga u Crnoj Gori, Srbiji i Bosni i Hercegovini. Drugi dio projekta je fokusiran na organizovanje obrazovnih programa i programa izgradnje kapaciteta tužitelja/ica, sudija/tkinja i službenika/ca za sprovođenje zakona iz Crne Gore, Srbije i Bosne i Hercegovine. Treći dio projekta je fokusiran na unaprjeđenje nacionalne i regionalne saradnje u sprovođenju finansijskih istraga sa posebnim osvrtom na razmjenu iskustva između institucija koje sprovode zakone, kao i na međuregionalnu suradnju.

Seminar Finansijske istrage u predmetima krivičnih djela pranja novca održan u Beogradu, 10-11.07.2018.



Dio aktivnosti ovog projekta realizovane su tokom 2017. godine kada je održan nacionalni sastanak u Sarajevu na kojem je učestvovalo 14

učesnika/ca i okrugli sto sa 25 učesnika/ca, predstavnika/ca ministarstava unutrašnjih poslova u BiH, kantonalnih i okružnih tužilaštava, Centara za edukaciju sudija i tužilaca, sudova, Agencija za upravljanje oduzetom imovinom FBiH i RS, itd.

Početakom 2018. godine izrađene su studije „Finansijske istrage kao sredstvo u borbi protiv organizovanog kriminala, korupcije i pranja novca“ – komparativna analiza Bosne i Hercegovine, Crne Gore i Srbije“² Autorka i autori studija su predstavili pravne okvire, primjene i rezultate postignute u borbi protiv organizovanog kriminala i korupcije kroz sprovođenje finansijskih istraga u Bosni i Hercegovini, Crnoj Gori i Srbiji. Dodatno, poseban dio studije je fokusiran na preporuke i zaključke kojima autorka i autori predlažu poboljšanje trenutnog stanja.

Nakon završenih studija, realizovane su i sljedeće aktivnosti:

- 3 seminara za predstavnike/ce sudova, tužilaštava, policije, poreznih uprava, institucija za oduzimanje imovine iz BiH, Crne Gore i Srbije
- Studijska posjeta predstavnika/ca sudova, tužilaštava i policije iz BiH, Crne Gore i Srbije Republici Hrvatskoj i Sloveniji
- Završna regionalna konferencija u Podgorici.

Na seminarima je učestvovalo preko 80 predstavnika/ca sudova, tužilaštava, ministarstava unutrašnjih poslova i posebnih odjela za borbu protiv organizovanog kriminala i korupcije, poreznih uprava, institucija za oduzimanje i upravljanje oduzetom imovinom iz BiH, Crne Gore i Srbije. Učesnici/ce seminara su imali priliku razmijeniti iskustva, upoznati se sa novim izazovima i praksama u BiH, Srbiji i Crnoj Gori, ali i u svijetu, te došli do zaključaka o mogućim izmjenama prakse sprovođenja finansijskih istraga u BiH, Crnoj Gori i Srbiji.

Nakon održanih seminara, 10 predstavnika/ca sudova, tužilaštava i policije iz BiH, Crne Gore i Srbije su učestvovali na studijskoj posjeti Republici Hrvatskoj i

Studijska posjeta Specijalnom tužilaštvu
Republike Slovenije, 21-23.10.2018.



² Studije su dostupne na stranici Asocijacije za demokratske inicijative Sarajevo, www.adi.org.ba

Republici Sloveniji. Za vrijeme studijske posjete, učesnici/ce su imali priliku posjetiti Specijalno tužilaštvo Republike Slovenije i Ured za suzbijanje korupcije i organizovanog kriminaliteta (USKOK) Republike Hrvatske. Fokus studijske posjete je bio na razmjeni iskustava o sprovedbi finansijskih istraga (izazovima, kao i pozitivnim praksama), reformama koje su se sprovodile u BiH, Crnoj Gori, Hrvatskoj, Sloveniji i Srbiji u zadnjih 15 godina, kao i na uspostavljanju međuinstitucionalne saradnje.

Završna regionalna konferencija *Finansijske istrage u Srbiji, Bosni i Hercegovini i Crnoj Gori* održana u Podgorici, 23-24.10.2018.



Završni događaj projekta se održao u Podgorici u oktobru 2018. godine. Preko 30 predstavnika/ca sudova i tužilaštava iz BiH, Crne Gore i Srbije su na završnoj regionalnoj konferenciji diskutovali o trenutnim izazovima i novim praksama u polju finansijskih istraga, negativnim i pozitivnim iskustvima, te mogućnostima prekogranične saradnje institucija u regionu i Europi. Dodatno, na regionalnoj konferenciji autorka i autori su predstavili studiju, nakon čega je uslijedila diskusija.

Organizovani kriminal je kriminal koji se najbrže transformiše, te stoga predstavlja poseban izazov državama i institucijama. Jedno od najefikasnijih sredstava u borbi protiv organizovanog kriminala je sprovođenje finansijskih istraga. Projekat "Jačanje kapaciteta istrage i krivičnog gonjenja u zemljama Zapadnog Balkana – finansijske istrage kao sredstvo za borbu protiv organizovanog kriminala i korupcije" je omogućio predstavnicima/cama institucija BiH, Crne Gore i Srbije da, kroz prethodno navedene aktivnosti, razmijene iskustva, predlože buduće korake i načine provođenja finansijskih istraga, ojačaju saradnju na međudržavnom nivou, te dodatno profesionalno usavršavanje. Dodatno, komparativne studije „Finansijske istrage kao sredstvo u borbi protiv organizovanog kriminala, korupcije i pranja novca“ – komparativna analiza Bosne i Hercegovine, Crne Gore i Srbije“ na jednom mjestu daju prikaz pravnih okvira, primjene i rezultata postignutih na polju realizacije borbe protiv organizovanog kriminala i korupcije kroz sprovođenje finansijskih istraga, te zaključke i preporuke za poboljšanje postojećeg stanja u BiH, Crnoj Gori i Srbiji.

Projekat: "Građanska misija obrazovanja"

Trajanje projekta: 22/05/2017 – 21/05/2020

Donator projekta: Američka agencija za međunarodni razvoj (USAID) u sklopu Programa za suzbijanje sukoba i pomirenje (Global Reconciliation Fund)

Nositelj projekta: Helsinški odbor za ljudska prava, Bijeljina

Partner projekta: Asocijacija za demokratske inicijative Sarajevo

Mjesto provedbe projekta: Podrinje, Posavina, Srednja Bosna, Krajina i Hercegovina

U Bosni i Hercegovini rat je završen prije 23 godine, mada su njegove posljedice i dalje prisutne u svim segmentima društva. Socijalna kriza i ekonomsko siromaštvo u godinama nakon završetka rata prouzrokovale su da nacionalizam, etnički animozitet, ksenofobija, netolerancija i diskriminacija postanu dominantni model razmišljanja i ponašanja, otvarajući načine za radikalizaciju i ekstremizam, naročito među mladima. Lokalne zajednice su i dalje podijeljene po entitetskim linijama, iako su prije rata bile geografski, socijalno, kulturno i ekonomski povezani. Uprkos određenom napretku koji je BiH postigla u primjeni potrebnih reformi za uspostavljanje demokratskog društva, BiH i dalje ostaje geografski, politički i etnički podijeljena. Cilj projekta je da se kroz projektne aktivnosti, nadomjesti nedostatak sistemskog pomirenja u mjestima ratnih sukoba kroz jačanje građanske misije obrazovanja u BiH. Postizanje ovog cilja sprovest će se kroz brojne aktivnosti namijenjene studentima/cama, nastavnicima/cama, profesorima/cama i obrazovnim institucijama u Bosni i Hercegovini. Aktivnosti planirane projektom su: sastanci sa ciljnim grupama, konsultacijski sastanci, studijske posjete i treninzi za nastavnike/ce, putujuće škole za mir, zagovaranje, kao i promocija i informisanje o projektu i projektnim aktivnostima.

S obzirom da je riječ o trogodišnjem projektu čija realizacija je započela tokom 2017. godine neke od aktivnosti su već uspješno realizovane, kao što su:

Putujuća škola

mira za učenike srednjih škola Srednjobosanskog kantona, održana u **Vitezu** 23. – 27.04.2018.

Poruka učenika:

„Ne postoji problem koji se ne može riješiti kad se ljudi ujedine“



- 3 konsultacijska sastanka sa nastavnicima/cama i profesorima/cama iz tri regije Posavina, Srednja Bosna i Podrinje;
- 1 studijska posjeta za predstavnike/ce ministarstava obrazovanja iz BiH Republici Hrvatskoj;
- 1 putujuća škola mira za mlade iz Posavskog kantona u Brčkom;
- te 2 sastanka projektnog savjetodavnog odbora i 3 sastanka projektnog tima.

Studijska posjeta članova/ica Savjetodavnog odbora projekta institucijama Crne Gore, 24 – 27.04.2018.



U 2018. godini realizovane su sljedeće aktivnosti:

- 2 studijske posjete Crnoj Gori i Srbiji za predstavnike/ce ministarstava obrazovanja iz BiH;
- 2 obuke za nastavnike/ce i profesore/ce osnovnih i srednjih škola sa područja regija Srednja Bosna i Podrinje (održane u Kiseljaku i Goraždu)
- 3 konsultacijska sastanka (održana u Bihaću, Grudama, Banja Luci)
- 1 putujuća škola za mlade iz Srednje Bosne (održana u Vitezu)
- 2 trening za mlade (održana u Vitezu i Goraždu)
- 1 sastanak savjetodavnog odbora
- 3 sastanka projektnog tima

Projekat: “Jačanje povjerenja javnosti u tužilački sistem u BiH kroz unaprijeđenje transparentnosti i odgovornosti”

Trajanje projekta: 01/07/2017 – 31/10/2018

Donator projekta: Visoko sudsko i tužilačko vijeće Bosne i Hercegovine i Vlada Švicarske

Nositelj projekta: Transparency International Bosna i Hercegovina

Partner projekta: Asocijacija za demokratske inicijative Sarajevo

Mjesto provedbe projekta: Bosna i Hercegovina

Posjeta studenata Pravnog fakulteta u Zenici
Tužilaštvu Zeničko – dobojskog kantona,
05.06.2018.



Jedan od ključnih problema u BiH je nisko povjerenje javnosti u sistem pravosuđa. Prema rezultatima ispitivanja, 62% ispitanika dobija informacije putem televizije, 28,6% putem radija, 17,6% putem dnevne štampe, te 14,4% putem interneta. Dodatno, dio istraživanja, koji je dio Strategije za postupanja sa osobama koje dolaze u kontakt s tužilaštvima iz januara 2017. godine, je bio usmjeren i na povjerenje u javne institucije, u kojem rasponu odgovori ispitanika pokazuju nisko opće povjerenje u državne i javne institucije svih vrsta. Može se zaključiti da je jedan od razloga taj što se ne koriste sve raspoložive metode za upoznavanje društvene zajednice sa radom tužilaštava, te veoma malo javno dostupnih informacija.

Cilj projekta je ojačati kapacitete tužilaštava da preuzmu vodeću ulogu u koordiniranju aktivnosti koje se odnose na implementaciju aktivnosti iz Strategije za postupanje sa osobama koje dolaze u kontakt sa tužilaštvima u Bosni i Hercegovini. S obzirom na navedeno, aktivnosti ovog projekta su usmjerene prema Tužilaštvima u BiH, učenicima/cama srednjih škola, studentima/cama i građanima/kama BiH. Realizacija aktivnosti započela je 2017. godine, te je nastavljena i tokom 2018. Planirane aktivnosti u ovom projektu su: Izrada plana motiviranja građana/ki za komunikaciju sa tužilaštvima u BiH, fokus grupe, izrada brošure za građane/ke, javne tribine, izrada kratkog dokumentarnog filma, te posjeta učenika/ca srednjih škola i studenata/ica tužilaštvima u BiH. Neke od navedenih aktivnosti realizovane su tokom 2017. godine kao što su osnivanje Savjetodavnog odbora, urađen je detaljan plan motiviranja građana/ki, održana prva fokus grupa (Sarajevo), a u svrhu izrade brošure za građane/ke održano je 20 intervjua sa građanima/kama koji su bili u kontaktu sa tužilaštvima, te su identifikovana

tužilaštva sa kojima će biti uspostavljena intezivna saradnja u toku 2018. godine. U toku 2018. godine pripremljena je i distribuirana „Brošura za građane/ke“, te je pripremljen i emitovan kratki dokumentarni film na Javnom radiotelevizijskom servisu BiH (BHT 1) koji slikovito prati brošuru. Pored navedenih aktivnosti organizovane su:

- 3 fokus grupe sa predstavnicima/cama tužilaštava, udruženja tužilaca i organizacijama civilnog društva (održane u Mostaru, Tuzli, Banja Luci);
- 5 posjeta studenata/ca i srednjoškolaca Tužilaštvima u BiH (održane u Sarajevu, Travniku, Zenici, Mostaru i Tuzli);
- 4 foruma sa građanima/kama, javnim ustanovama i nevladinim organizacijama (Istočno Sarajevo, Sarajevo, Goražde i Zenica)
- 12 javnih tribina sa predstavnicima/cama 13 Tužilaštava u BiH.



RAD SA PARTNERSKIM OCD I MREŽAMA

Već dugi niz godina Asocijacija za demokratske inicijative je članica većeg broja mreža i koalicija, te učesnica inicijativa partnerskih OCD-a. Smatramo da je umrežavanje i zajednički rad više OCD od izuzetnog značaja u smislu platforme za zajedničko djelovanje. Članstvo u mrežama i koalicijama doprinosi većoj informiranosti, bržoj razmjeni informacija i iskustava, promociji aktivnosti, te lakšem zajedničkom djelovanju u procesu zagovaranja.

U toku svog postojanja ADI je članica sljedećih mreža i koalicija:

Balkanske mreže za ljudska prava (BHRN)

Mreže pravde u BiH

NVO Vijeće

Mreža za izgradnju mira

Balkanska regionalna mreža za vladavinu prava (BRRLN)

Koalicija za borbu protiv govora mržnje i zločina iz mržnje

Mreža Sporazum plus



U toku 2018. godine ADI-je učestvovala u radu navedenih inicijativa i mreža, a neke od značajnijih su:

- Potpisivanje memoranduma o saradnji partnerskih NVO-a sa Ministarstvom pravde BiH i Visokim sudskim i tužilačkim vijećem
Inicijativa Udruženja "Vaša prava" pokrenuta kroz projekat Ambasade Kraljevine Holandije, gdje je u fokusu projektnih aktivnosti nastavak saradnje sa Ministarstvom pravde BiH i Visokim sudskim i tužilačkim vijećem, kao ključnim nosiocima aktivnosti implementacije Strategije za reformu sektora pravde (SRPS) 2014-2018, a sve sa ciljem da se obezbijedi efikasan, efektivan i koordiniran proces saradnje sa organizacijama civilnog društva u procesu praćenja i objektivne evaluacije implementacije politika kako bi se osigurala dosljedna i pravovremena provedba Strategije za reformu sektora pravde (SRSP) i njenog Akcionog

plana za period 2014-2018. Ponovnim uključivanjem OCD-a u ovaj proces pravi se iskorak ka mehanizmu za aktivniji angažman u procesu praćenja i procjeni mjera i aktivnosti SRSP-a. Ovim se izravno doprinosi razvoju i jačanju principa participativne demokratije koji stvaraju uslove za uključivanje građana/ki i OCD-a u donošenje odluka, zakona, strategija i javnih politika.

- Sastanak Balkanske regionalne mreže za vladavinu prava (BRRLN) U periodu 13.-15.04.2018. godine predstavnica Asocijacije za demokratske inicijative Sarajevo učestvovala je na sastanku Balkanske regionalne mreže za vladavinu prava (BRRLN), na Ohridu. Sastanak je organizovala Američka advokatska komora (ABA ROLI - American Bar Association, Rule of Law Initiative). Učesnici/ce sastanka bili su predstavnici/ce advokatskih komora Makedonije, Albanije, Kosova i Bosne i Hercegovine, predstavnici/ce nevladinih organizacija i članovi/ce BRRLN-a. Ovaj sastanak označio je nastavak aktivnosti Mreže u toku 2018. godine, kao i projektnih aktivnosti radnih grupa zemalja članica. Također, predstavnici/ce ABA ROLI-a prezentirali su platformu E-learning (<http://www.brrln.org/e-learning/>) i web stranicu BRRLN (www.brrln.org), te su učesnici/ce diskutovali o mogućnostima poboljšanja funkcionalnosti platforme.


Sastanak Balkanske regionalne mreže za vladavinu prava (BRRLN), Ohrid, 13-15.04.2018.



MEDIJI

U okviru zagovaračkih aktivnosti, ADI je kroz gostovanja u medijima, davanja intervjua i učešćem u press konferencijama, promovirala rad organizacije, kao i aktivnosti projekata:

- 2 učešća u TV emisiji Hayd u park
- 1 učešće u TV emisiji Retrospektiva
- 1 gostovanje na RTV Jablanica
- 1 gostovanje na TV BPK Goražde
- 1 izvještavanje za portal Općine Jablanica
- 1 izvještavanje za portal Grada Goražda
- 1 izvještavanje za portal RTV BPK
- 1 Izvještavanje za portal Buka
- 1 Izvještavanje za portal Zamisli.ba
- 1 Izvještavanje za portal Fena



PARTNERI ADI-JA (PARTNERI U BIH I MEĐUNARODNI PARTNERI)

PARTNERI U BIH	MEĐUNARODNI PARTNERI
Američki kutak BiH	Association for Democratic Initiatives Gostivar - Makedonija
Biro za ljudska prava Tuzla	Association of Civil Society Development Centre (STGM) – Turska
Centar za interdisciplinarnе studije Univerziteta u Sarajevu	Beogradski centar za ljudska prava - Srbija
Centar za ljudska prava Univerziteta u Sarajevu	Centar za monitoring i istraživanje (CeMI) – Crna Gora
Centar za mlade KVART	Civil Rights Program in Kosovo (CRP/K)
Centar za promociju civilnog društva (CPCD)	Danski institut za ljudska prava/Danish Institute for Human Rights (DIHR)
Centri civilnih inicijativa	European Citizens Action Service (ECAS) – Belgija
Fondacija Centar za javno pravo (CJP)	Freedom house Serbia
Helsinški odbor za ljudska prava	Komitet pravnika za ljudska prava (YUCOM) – Srbija
Infohouse	Law Centres Network (LNC) – Velika Britanija
Inicijativa mladih za ljudska prava (YIHR)	National Association of Citizens Information Services (NACIS) – Irska
Kantonalna privredna komora Tuzla	Nacionalna zaklada za razvoj civilnog društva (NZRCD) – Hrvatska
Mediacentar Sarajevo	National Association of Citizens Advice Bureaux (NACAB) – Rumunija
Ministarstvo obrazovanja, nauke, kulture i sporta Srednjobosanski kanton	Organizacija za ljudska prava „Jednakost“ – Srbija
Ministarstvo obrazovanja, nauke, kulture i sporta USK,	Transparentnost Srbija
Ministarstvo prosvjete, znanosti, kulture i športa Županije Posavske,	
Ministarstvo unutrašnjih poslova ZDK	
Ministarstvo za obrazovanje, mlade, nauku, kulturu i sport Bosansko-podrinjskog kantona Goražde	
Ministarstvo za obrazovanje, nauku i mlade Kantona Sarajevo	
Ministarstvo znanosti, prosvjete, kulture i športa Hercegbosanske županije,	
Mreža pravde u Bosni i Hercegovini	
Mreža Sporazum plus	
Mreža za izgradnju mira	
Odjeljenje za obrazovanje Brčko distrikta BiH	
Općina Goražde	
Općina Jablanica	
Općina Vareš	

Općina Vitez
Opština Bijeljina
Opština Foča
Pravni fakultet Bihać
Pravni fakultet Univerziteta u Sarajevu
Pravni portal „ePravo.ba“
Pravosudna komisija Brčko Distrikta
Sarajevski Otvoreni Centar (SOC)
Transparency International Bosna i Hercegovina
Twining Platform
Udruženje „Vaša prava BiH“
Udruženje za održivi povratak Podrinja
Udruženje/udruga BH novinari
UG Omladinski centar Gornji Vakuf/Uskoplje
Univerzitet „Džemal Bijedić“ u Mostaru, Pravni fakultet
Univerzitet u Tuzli, Pravni fakultet
Univerzitet u Zenici, Pravni fakultet
Vijeće mladih grada Mostara
Vijeće za štampu u BiH

DONATORI

- Ambasada Kraljevine Holandije u Crnoj Gori
- British Government
- Canadian Embassy
- Catalan Ombudsman
- Civil Rights Defenders
- Europska komisija
- Fond otvoreno društvo BiH
- Ministry of Foreign Affairs of Denmark (MFA)
- Swiss Embassy Sarajevo
- UNDP BiH
- US Embassy BiH
- USAID
- USAID/JSDP
- Visoko sudsko i tužilačko vijeće
- Vlada Švicarske

FINANSIJSKI IZVJEŠTAJ ZA 2018. GODINU

Izvori finansiranja u 2018. godini

REDNI BROJ	DONATOR	IZNOS U KM	PROCENT
1	Civil Rights Defenders	46,706	40.25%
2	USAID	28,162	24.27%
3	Ambasada Kraljevine Holandije	22,484	19.37%
4	Visoko sudsko i tužilačko vijeće i Vlada Švicarske	18,700	16.11%
5	Ostali prihodi	0	0.00%
UKUPNO		116,052	100.00%

Bilans uspjeha za 2018. godinu

OPIS	PRETHODNA GODINA (2017)	TEKUĆA GODINA (2018)
A PRIHODI		
HUMANITARNI PRIHODI	149.814	114.076
PRIHODI OF VLASTITE AKTIVNOSTI	843	1.976
OSTALI PRIHODI	0	0
SVEGA PRIHODI	150.657	116.052
B RASHODI		
MATERIJAL I ENERGIJA	4.281	1.317
USLUGE	88.985	40.600
PLATE	50.643	59.353
AMORTIZACIJA	960	1.614
PUTNI TROŠKOVI	5.169	4.615

OSTALI RASHODI	5.844	7.343
SVEGA RASHODI	155.882	114.842
C REZULTAT		
VIŠAK PRIHODA	-	-
VIŠAK RASHODA	5.225	-

UPOSLENICE



Snježana Ivandić Ninković

Direktorica

Tel. +387 33 262 415

Faks +387 33 262 416

snjezana@adi.org.ba



Božana Puljić

Tel.+387 33 262 415

Faks +387 33 262 416

bozana@adi.org.ba



Dajana Čelebić

Tel. +387 33 262 415

Faks +387 33 262 416

dajana@adi.org.ba

KONTAKT PODACI

Asocijacija za demokratske inicijative

Zmaja od Bosne 8

71 000 Sarajevo, Bosna i Hercegovina

Telefon +387 33 262 415

Faks +387 33 262 416

www.adi.org.ba

